

KJP „VETERINARSKA STANICA“ d.o.o.

S A R A J E V O

ID:4200119470009

PDV:200119470009

TRN:1610000002680024

Registarski br:1-15507



Ul. Nikole Šopa 41

Tel: +387 33 77 03 50

Fax: +387 33 77 03 53

Web: www.vetstanicasa.ba

E-mail: vetstanicasa@bih.net.ba

Broj: 985/26

Sarajevo, 27.07.2026. godine

Na osnovu odredaba Zakona o radu FBiH („Službene novine Federacije BiH“ broj: 26/16 i 89/18, 44/22, 39/24), Uredbe o postupku prijema u radni odnos u javnom sektoru na teritoriji Kantona Sarajevo („Službene novine Kantona Sarajevo“ br. 19/21, 10/22, 28/23 i 32/24), Pravilnika o radu KJP „Veterinarska stanica“ d.o.o. Sarajevo te saglasnosti Vlade KS broj 02-04-32736-13/26 od 02.07.2026. godine i Odluke Direktora o raspisivanju Javnog oglasa za prijem radnika u radni odnos broj: 984/26 od 27.07.2026. godine, KJP „Veterinarska stanica“ d.o.o. Sarajevo, raspisuje:

JAVNI OGLAS
za prijem u radni odnos u
KJP „Veterinarska stanica“ d.o.o. Sarajevo

I - Predmet javnog konkursa

Objavljuje se javni oglas za prijem u radni odnos za sljedeća radna mjesta:

1. Veterinar na terenu, (VSS – VII stepen stručne spreme, veterinarski smjer) 1 (jedan) izvršilac na neodređeno vrijeme,
2. Tehnički sekretar, (SSS-III/IV stepen stručne spreme, upravni smjer ili gimanzija) - 1 (jedan) izvršilac na neodređeno vrijeme

II Kandidati trebaju da ispunjavaju sljedeće uslove:

Opšti uslovi:

1. Da je stariji od 18 godina i da nije stariji od 65 godina;
2. Da je državljanin Bosne i Hercegovine;
3. Da ima opću zdravstvenu sposobnost za obavljanje poslova

4. Da protiv kandidata nije pokrenut krivični postupak za krivično djelo za koje je predviđena kazna zatvora tri i više godina ili da mu nije izrečena zatvorska kazna za krivično djelo učinjeno s umišljajem u skladu s krivičnim zakonima u Bosni i Hercegovini.

Pozicija pod rednim brojem 1.

Naziv radnog mjesta: Veterinar na terenu

Opis poslova:

- otkriva, utvrđuje (dijagnostike) oboljenja i sprovodi postupak liječenja oboljelih grla i poduzima potrebne mjere u cilju očuvanja zdravstvenog stanja domaćih i drugih životinja,
- vrši nadzor nad životinjama oboljelim od zaraznih bolesti i provodi veterinarsko - sanitarne mjere,
- vrši umjetno osjemenjavanje životinja i preduzima mjere za suzbijanje steriliteta, te mjere za unaprijeđivanje stočarstva,
- vrši hirurške intervencije i obrade rana svih domaćih životinja,
- izdaje lijekove koji se upotrebljavaju u veterinarstvu,
- obavlja i druge poslove iz djelokruga rada VTA po nalogu direktora ili Upravnika.

Posebni uslovi : VSS-VII stepen odnosno završen integrirani studij veterinarske medicine I i II ciklus Bolonjskog sistema studiranja, 1 (jedna) godina radnog iskustva u struci, položen stručni ispit i vozačka dozvola B kategorije

Trajanje ugovora: Ugovor o radu na neodređeno vrijeme

Mjesto rada: Veterinarske ambulante u općinama na području Kantona Sarajevo

Radno vrijeme: rad u smjenama

Osnovna plaća: 1.697,89 KM

Potrebna dokumentacija:

- potpisana prijava na javni oglas;
- biografija sa adresom, kontakt telefonom i e-mailom;
- univerzitetska diploma;
- uvjerenje o položenom stručnom ispitu;
- uvjerenje ili potvrda o radnom iskustvu;
- dokaz o posjedovanju vozačke dozvole B kategorije (ovjerena fotokopija vozačke dozvole)
- uvjerenje o državljanstvu;
- izvod iz matične knjige rođenih;
- dokaz kojim se dokazuje status iz tačke III Javnog oglasa

Pozicija pod rednim brojem 2.**Naziv radnog mjesta: Tehnički sekretar****Opis poslova:**

- Obavlja administrativno-tehničke poslove na nivou Zajedničkih službi Preduzeća,
- Prima i vrši najavu stranaka za direktora,
- Vodi evidenciju korespondencije i druge dokumentacije za direktora,
- Prima i prenosi poruke i informacije za direktora,
- Evidentira putne naloge,
- Obavlja poslove otpreme i prijema pošte,
- Obavlja telefonske razgovore i evidentira ih i o tome obavještava direktora, izvršnog direktora i rukovodioca organizacionih cjelina,
- Kuca sve materijale za potrebe direktora i Službe kojoj pripada,
- Vodi djelovodni protokol Preduzeća,
- Prima poštu od kurira i dostavlja je na dalju obradu,
- Priprema primljenu poštu, adresira, pakuje i zavodi u poštansku evidenciju i istu otprema u skladu sa potrebama procesa rada,
- Odgovoran za rukovanje povjerenim pečatima i štambiljom,
- Učestvuje u radu stručnih komisija i radnih grupa, koje imenuje Uprava Preduzeća,
- Obavlja i druge poslove po nalogu direktora i rukovodioca službe kojoj pripada.

Posebni uslovi: Stepen stručne spreme: SSS/III/IV smjer: upravni, gimnazija, radno iskustvo: 1 godina u struci, poznavanje rada na računaru

Trajanje ugovora: Ugovor o radu na neodređeno vrijeme

Mjesto rada: KJP „Veterinarska stanica“ d.o.o. Sarajevo , Nikole Šopa 41, Ilidža

Radno vrijeme: 08:00-16:00h

Osnovna plaća: 1.118,12 KM

Potrebna dokumentacija:

- potpisana prijava na javni oglas;
- biografija sa adresom, kontakt telefonom i e-mailom;
- svjedočanstvo o završenom obrazovanju;
- uvjerenje ili potvrda o radnom iskustvu;
- uvjerenje o državljanstvu;
- izvod iz matične knjige rođenih;
- dokaz o poznavanju rada na računaru
- dokaz kojim se dokazuje status iz tačke III Javnog oglasa

III – Prednost pri zapošljavanju pod posebnim uslovima

Pored navedenih dokumenata, kao dokaz o pripadnosti branilačkoj populaciji, kandidati trebaju blagovremeno dostaviti dokumentaciju kojom dokazuju status korisnika, u skladu sa odredbama

Uredbe o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u kantonu Sarajevo (Sl. Novine KS, broj 37/20 i 27/21) i instrukcijom o bližoj primjeni kriterija vrednovanja prema Uredbi o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo (Sl. Novine KS, broj: 38/20 i 28/21) kako slijedi:

R.b.	Pripadnost boračkoj kategoriji	Naziv dokaza - dokumenta	Organ koji ga izdaje
1.	Član porodice šehida/poginulog, umrlog i nestalog branioca	Uvjerenje o statusu djeteta šehida – poginulog, umrlog i nestalog branioca, Rješenje o priznatom pravu na porodičnu invalidninu za suprugu šehida poginulog, umrlog, nestalog branioca i Uvjerenje o učešću u Oružanim snagama za šehida – poginulog, umrlog i nestalog branioca	Općinska služba za boračko-invalidsku zaštitu Grupa za pitanja evidencije iz oblasti vojne obaveze prema mjestu prebivališta
2.	Ratni vojni invalid	Rješenje o priznatom svojstvu ratnog vojnog invalida	Općinska služba za boračko invalidsku zaštitu
3.	Dobitnik ratnog priznanja i odlikovanja	Rješenje o priznatom pravu na mjesečno novčano primanje dobitnika priznanja	Općinska služba za boračko invalidsku zaštitu
4.	Demobilisani branioci	Uvjerenje o učešću u Oružanim snagama	Grupa za pitanja evidencije iz oblasti vojne obaveze prema mjestu prebivališta
5.	Dijete: a) ratnog vojnog invalida b) dobitnika ratnog priznanja i odlikovanja c) demobilisanog branioca	Uvjerenje o statusu djeteta vojnog invalida Rješenje o priznatom pravu na: a) invalidninu b) mjesečni novčani dobitak, c) Uvjerenje o učešću u Oružanim snagama	a i b – Općinska služba za boračko – invalidsku zaštitu c – Grupa za pitanja evidencije iz oblasti vojne obaveze prema mjestu prebivališta
6.	Supruga ratnog vojnog invalida	Uvjerenje o statusu supružnika ratnog vojnog invalida Rješenje o priznatom pravu na invalidninu	Općinska služba za boračko-invalidsku zaštitu

Da bi ostvarili prioritet pri zapošljavanju kandidati treba da dostave:

- Dokaz da su na evidenciji JU „Služba za zapošljavanje Kantona Sarajevo“ (dokaz: uvjerenje bora ne starije od datuma objavljivanja Javnog oglasa ili dokaz da su zaposleni

sa nižom stručnom spremom od one koju posjeduju (dokaz: potvrda poslodavca sa obaveznom naznakom stepena stručne sprema (zanimanja) s kojom je radnik zasnovao radni odnos ne starija od datuma objavljivanja Javnog oglasa) ili su zaposlena na određeno vrijeme (dokaz: potvrda izdata od strane poslodavca ne starija od datuma objavljivanja Javnog oglasa),

- Potvrdu o mjestu prebivališta- CIPS (ne starija od 6 mjeseci)
- Dokumentacija kojom se dokazuje status korisnika po uredbi o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u kantonu Sarajevo (Sl. Novine KS, broj 38/20 i 27/21)

IV – Komisija za provođenje oglasa

Komisija za provođenje javnog oglasa, koju imenuje Direktor Preduzeća, će nakon zaključenja oglasa pregledati sve prispjele prijave i utvrditi da li su prijave blagovremene, potpune i uredne. Kandidate za čije se prijave utvrdi da su neblagovremene, nepotpune ili neuredne Komisija neće razmatrati i isti će biti pisanim putem obavješteni sa navođenjem razloga odbacivanja prijave, uz mogućnost uvida u dostavljenu dokumentaciju, u roku od 3 (tri) dana od dana prijema obavijesti.

Komisija za provođenje javnog oglasa će sve kandidate čija je dokumentacija uredna, blagovremena, potpuna i koji ispunjavaju opće i posebne uslove iz javnog oglasa, obavijestiti putem e maila (izuzetno putem pošte, ukoliko kandidat nema e mail adresu) o datumu i vremenu održavanja pismenog i usmenog dijela ispita. Poslovnik o radu Komisije će biti dostupan na web stranici Preduzeća.

Ukoliko uredno obaviješten kandidat ne pristupi polaganju pismenog ili usmenog ispita, smatraće se da je odustao od učešća u oglasnoj proceduri i neće biti pismeno obaviješten o ishodu Javnog oglasa.

Obavještenje za kandidate:

- Kandidat može kod poslodavca preuzeti pitanja i listu propisa i literature iz oblasti iz koje će se polagati pismeni i usmeni ispit. Pitanja, lista i literatura iz oblasti iz koje će se polagati pismeni i usmeni ispit utvrdit će poslodavac i objaviti ih na svojoj web stranici prije raspisivanja javnog oglasa.
- Za dokazivanje radnog iskustva u struci, kandidati su dužni dostaviti potvrdu ili uvjerenje poslodavca da su obavljali poslove u svojoj struci ili Uvjerenje nadležnog Zavoda za penziono invalidsko osiguranje ili Porezne uprave sa Potvrdom o tumačenju šifre zanimanja.

- Izabrani kandidat je dužan prije potpisivanja Ugovora o radu, dostaviti ljekarsko uvjerenje o zdravstvenoj sposobnosti i Uvjerenje nadležnog suda da se protiv njega ne vodi krivični postupak.

V– Dostavljanje dokumentacije

Kandidati su dužni uz svojeručno potpisanu prijavu na Javni oglas koja sadrži kraću biografiju, adresu, kontakt telefon i e-mail, priložiti naprijed traženu dokumentaciju u originalu ili ovjerenoj fotokopiji (koji ne mogu biti stariji od 6 (šest) mjeseci od dana objave Javnog oglasa) te istu dostaviti u zatvorenoj koverti lično na protokol KJP „Veterinarska stanica“ d.o.o. Sarajevo ili preporučenom poštom na adresu:

KJP „Veterinarska stanica“ d.o.o. Sarajevo, ul. Nikole Šopa br. 41, 71210 Općina Ilidža – Sarajevo, sa naznakom: “PRIJAVA NA JAVNI OGLAS za prijem radnika u radni odnos - radno mjesto _____ – NE OTVARAJ“

Kandidati su dužni u prijavi naznačiti na koju se poziciju kandiduju.

Na poledini koverta navesti ime i prezime podnosioca prijave.

Obavijest o javnom oglasu će biti objavljena u dnevnom listu „Dnevni avaz“, a Tekst Javnog oglasa će biti objavljen na web stranici KJP „Veterinarska stanica“ d.o.o. Sarajevo i Internet stranici Javne ustanove „Služba za zapošljavanje Kantona Sarajevo“ Sarajevo.

Oglas ostaje otvoren **25 (dvadesetpet) dana** od dana objavljivanja u dnevnom listu.

Priložena dokumentacija neće se vraćati, osim na pismeni zahtjev kandidatima koji su istu dostavili u originalu.

Kontakt za dodatne informacije: 033 770 355.

DIREKTOR

Nasiha Spahić, dr.vet.med.